

არაკომერციული ორგანიზაციების გამოკვლევის შედეგები

2014 წელი

(შედარებები გაკეთებულია ფაქტობრივ ფასებში)


არაკომერციული ორგანიზაციები წარმოადგენენ საქონლისა და მომსახურების მწარმოებელ იურიდიულ პირებს ან სოციალურ ორგანიზაციებს, რომლებიც არ არიან ორიენტირებულნი ინსტიტუციური ერთეულებიდან მოგების ან ფინანსური კეთილდღეობის მიღებაზე.

არაკომერციული ორგანიზაციების პროდუქციის ძირითადი ნაწილი რეალიზდება უფასოდ, ან ეკონომიკურად უმნიშვნელო ფასებში. აღნიშნული არაკომერციული ორგანიზაციები იმყოფებიან თვითდაფინანსებაზე და სახსრებს ძირითადად იღებენ შემოწირულობებისა და საკუთარი წევრების შენატანების სახით. ისინი შემოსავლებს იღებენ აგრეთვე ორგანიზაციის კუთვნილი მატერიალური და ფინანსური აქტივებიდან. არაკომერციულ ორგანიზაციებს აქვთ დამხმარე კომერციული საქმიანობის უფლება.

2014 წელს მაჩვენებელთა შემცირება წინა წელთან შედარებით ძირითადად გამოწვეულია განათლების დარგში არსებული რამოდენიმე უმაღლესი სასწავლებლის ორგანიზაციულ-სამართლებრივი ფორმის ცვლილებით, რომლის შედეგადაც ისინი არაკომერციული ორგანიზაციების სექტორიდან გადავიდნენ საჯარო სამართლის იურიდიული პირების სექტორში.

გარდა ამისა, მაჩვენებელთა შემცირების ერთ-ერთ მიზეზად გვევლინება ის ფაქტიც, რომ 2014 წლიდან სკოლამდელი დაწესებულებები (ბაგა-ბალები) აღნიშნულ გამოკვლევაში აღარ მონაწილეობენ (უფასო სწავლების გამო მათ 2014 წლიდან აღარ აქვთ შემოსავლები დამხმარე კომერციული საქმიანობიდან და შესაბამისად არ წარმოადგენენ გამოკვლევის ობიექტებს).

დეკლარირებული მონაცემების მიხედვით, 2014 წელს არაკომერციული ორგანიზაციების სექტორის ბრუნვის მოცულობამ - დამხმარე კომერციული საქმიანობიდან – 95,3 მლნ. ლარი შეადგინა, რაც გასული წლის შესაბამის მაჩვენებელთან შედარებით 23,0 პროცენტით ნაკლებია (იხ. გრაფიკი №1).



ბრუნვის მოცულობაში ყველაზე დიდი წილი მოდის კომუნალური, სოციალური და პერსონალური მომსახურების გაწევის დარგზე (42,2 პროცენტი), აგრეთვე ჯანმრთელობის დაცვის, სოციალური დახმარებისა (25,2 პროცენტი) და განათლების (19,8 პროცენტი) დარგის ორგანიზაციებზე.

ბრუნვის მოცულობის ყველაზე მნიშვნელოვანი შემცირება განათლების დარგზე მოდის (61,2 პროცენტით). აღნიშნული მაჩვენებლის შემცირება დაფიქსირდა აგრეთვე უძრავი ქონებით ოპერაციების, იჯარისა და მომხმარებლისათვის მომსახურების გაწევის (47,0 %) და დამამუშავე-ბელი მრეწველობის დარგში (46,6 პროცენტი).

ბრუნვის მოცულობა დაახლოებით 3,9-ჯერაა გაზრდილი საფინანსო საქმიანობის დარგში; 2,6-ჯერ - სოფლის მეურნეობის, ნადირობისა და სატყეო მეურნეობის დარგში, 26,6 პროცენტით - ტრანსპორტისა და კავშირგაბმულობის დარგში, 7,6 პროცენტით - ჯანმრთელობის დაცვისა და სოციალური დახმარების დარგში, 6,3 პროცენტით - კომუნალური, სოციალური და პერსონალური მომსახურების გაწევის დარგში.

აღსანიშნავია ისიც, რომ 2014 წელს ბრუნვის მაჩვენებლის საკმაოდ დიდი მნიშვნელობები შეინიშნება ისეთ დარგებში (სასტუმროები და რესტორნები, ვაჭრობა; ავტომობილების, საყოფაცხოვრებო ნაწარმისა და პირადი მოხმარების საგნების რემონტი, მშენებლობა, ელექტროენერჯის,


აირისა და წყლის წარმოება და განაწილება), რომლებშიც 2012-2013 წლებში ბრუნვა საერთოდ არ დაფიქსირებულა.

პროდუქციის (საქონლისა და მომსახურების) გამოშვების მოცულობამ არაკომერციული ორგანიზაციების სექტორში 2014 წელს 669,9 მლნ. ლარი შეადგინა (აღნიშნული მაჩვენებელი წინა წელთან შედარებით შემცირებულია 10,3 პროცენტით).

პროდუქციის გამოშვებაში ყველაზე დიდი წილით გამოირჩეოდა კომუნალური, სოციალური და პერსონალური მომსახურების გაწევის (50,8 პროცენტი), ჯანმრთელობის დაცვისა და სოციალური დახმარების (28,6 პროცენტი), აგრეთვე განათლების დარგის (12,1 პროცენტი) ორგანიზაციები.

არაკომერციულ ორგანიზაციებში დასაქმებულთა რაოდენობამ 2014 წელს 52,3 ათასი კაცი შეადგინა, საიდანაც 54,7 პროცენტი ქალია, ხოლო 45,3 პროცენტი კაცი. აღნიშნული მაჩვენებელი 2013 წელთან შედარებით 20,3 პროცენტითაა შემცირებული (იხ. გრაფიკი №2).

გრაფიკი №2



დასაქმებულთა ყველაზე დიდი ნაწილი – 43,3 პროცენტი – კომუნალური, სოციალური და პერსონალური მომსახურების გაწევის დარგის ორგანიზაციებზე მოდის. 29,3 პროცენტი - განათლების დარგის ორგანიზაციებზე, 14,8 პროცენტი - ჯანმრთელობის დაცვისა და სოციალური დახმარების დარგის ორგანიზაციებზე, ხოლო დანარჩენი 12,6 პროცენტი სხვა დარგებში ნაწილდება.

დასაქმებულთა რაოდენობის მაჩვენებლის შემცირება ფიქსირდება ძირითადად განათლების (52,8 პროცენტით) დარგში, რომლის მიზეზებიც უკვე იქნა განხილული.

დასაქმებულთაგან დაქირავებულია 51,5 ათასი (მათ შორის ქალია 54,9 პროცენტი). დაქირავებულთა რაოდენობა 2014 წელს, 2013 წელთან შედარებით შემცირებულია დაახლოებით 20,7 პროცენტით.

წყარო: არაკომერციული ორგანიზაციების სტატისტიკური გამოკვლევა (წლიური)

საქართველოს სტატისტიკის ეროვნული სამსახური

საკონტაქტო პირები:

გოგიტა თოდრაძე, ტელ: 236 72 10 (200), E-mail: gtodradze@geostat.ge

მარიამ ყაველაშვილი, ტელ: 236 72 10 (020), E-mail: mkavelashvili@geostat.ge